

ԸՆԴՈՒՆԵԼ ՈՒԹՅՈՒՆՆԵՐ ՄԸՅՐ ԸԹՈՌՈՒՄ

ՖՐԱՆՍԻԱՅԻ ԱՐՏԱՔԻՆ ԳՈՐԾՈՑ ՆԱԽԱՐԱՐ ՀԵՐՎԵ ԴԸ ՇԱՐԵԹՆ ԱՅՅԵԼԵՑ ԳԱՐԵԳԻՆ Ա ՎԵՀԱՓԱՌԻՆ

Ապրիլի 2-ին, նրևան ժամանելուց անմիջապես հետո, Մայր Աթոռ Ս. Էջմիածին այցելեց Ֆրանսիայի արտաքին գործոց նախարարության պատվիրակությունը՝ արտաքին գործոց նախարար Հերվե Դը Շարեթի գլխավորությամբ: Վեհաքանի իր աշխատասենյակում հյուրերին ընդունեց Նորին Սրբություն Գարեգին Ա Ամենայն Հայոց Կաթողիկոսը: Ջերմ զրույցի ընթացքում պրն. Շարեթը Նորին Սրբությանը ծանոթացրեց իր այցելության նպատակներին՝ հավաստիացնելով, որ Ֆրանսիան և Միևնկի խմբի անդամ մյուս երկրները կանեն իրենց գերագույն կարելին՝ դարաբաղյալ հակամարտությանը գործնական և դրական լուծում՝ ծալու համար:

Վեհափառ Հայրապետն իր շնորհակալությունն ու գնահատանքն արտահայտեց այդ կապակցությամբ և հույս հայտնեց, որ խնդրի հարթման պարագայում անպայմանորեն կհարգվեն Արցախի ժողովրդի արդար իրավունքներն ու պահանջները:

Նորին Սրբությունն ու արտաքին գործոց նախարարը վերելիչեցին նաև հունվարին Փարիզում կայացած իրենց վերջին հանդիպումը և վստահարար հաստատեցին, որ ֆրանսիացի և հայ ժողովուրդների բարեկամությունը առավել ամրապնդվելու միտում ունի:

Մեկնելուց առաջ պրն. Շարեթը գրառում կատարեց պատվավոր հյուրերի հուշամատյանում:

ՄԵԾ ԲՐԻՏԱՆԻԱՅԻ ԴԵՍՊԱՆՆ ԱՅՅԵԼԵՑ ԳԱՐԵԳԻՆ Ա ԿԱԹՈՂԻԿՈՍԻՆ

Ապրիլի 12-ին Նորին Սրբություն Գարեգին Ա Ամենայն Հայոց Կաթողիկոսն ընդունեց օրերս Հայաստանի Հանրապետության նախագահին իր հավատարմագիրը հանձնած Մեծ Բրիտանիայի արտակարգ և լիազոր դեսպան Ջոն Միքլիններին:

Ողջունելով դեսպանի այցելությունը Մայր Աթոռ, Վեհափառ Հայրապետը հանգամանորեն ներկայացրեց Հայ Եկեղեցու և Մայր Աթոռ Ս. Էջմիածնի դիրքն ու դերը հայ ժողովրդի և ընդհանուր քրիստոնյա Եկեղեցիների կյանքում: Նորին Սրբությունը խոսեց նաև երկու Եկեղեցիների պատմական սերտ հարաբերությունների մասին և հույս հայտնեց, որ այս վճռական ժամանակներում Մեծ Բրիտանիայի պետությունն ու Եկեղեցին, ինչպես և բարեսիրական կազմակերպությունները գործվից կկանգնեն Հայաստանին ու Մայր Աթոռին:

Պրն. Միքչինները, համամիտ լինելով Նորին Արքունիքի խոսքերին, ներկայացրեց իր ծրագրերը՝ շեշտելով, որ Հայաստանում իր դիվանագիտական ծառայության ընթացքում կգործադրի ամեն ջանք՝ Մեծ Բրիտանիայի և Հայաստանի միջև բազմակողմ հարաբերությունների խորացման և առավել սերտացման համար:

ԳԱՐԵԳԻՆ Ա ԿԱԹՈՂԻԿՈՍՆ ԸՆԴՈՒՆԵՑ ՎՐԱՍՏԱՆԻ ԵՐԻՏԱՍԱՐԴՈՒԹՅԱՆ ՀԱՐՑԵՐԻ ՊԵՏՂԵՊԱՐՏԱՄԵՆՏԻ ՆԱԽԱԳԱՀԻՆ

Ապրիլի 19-ին Նորին Արքունիքում Գարեգին Ա. Ամենայն Հայոց Կաթողիկոսն ընդունեց Վրաստանի երիտասարդության հարցերի պետդեպարտամենտի նախագահ Նիկոլոզ Նիկոլոզիշվիլին:

Զրույցի ընթացքում Վեհափառ Հայրապետը և պրն. Նիկոլոզիշվիլին խոսեցին հայ և վրաց ժողովուրդների դարավոր բարեկամության մասին ու կարևորեցին հարևան պետությունների հետ բարիդրացիական հարաբերությունները՝ բոլոր բնագավառներում: Հատկապես շեշտվեց երիտասարդական կազմակերպությունների սերտ գործակցության, երիտասարդությանը՝ մեր նկեղեցիների ավանդույթներով դաստիարակելու, հոգևոր արժեքներին նրանց ավելի մոտեցնելու և հաղորդ դարձնելու անհրաժեշտությունը:

Հանդիպմանը ներկա էին Կրոնի գործոց խորհրդի նախագահ Լազար Սուլջանը, Վրաստանի երիտասարդության հարցերի պետդեպարտամենտի և Հայաստանի մշակույթի նախարարության աշխատակիցներ:

ՄԱՄԼՈ ԴԻՎԱՆ ՄԱՅՐ ԱԹՈՌԻ